



UNIVERSITÄTS-
BIBLIOTHEK
PADERBORN

Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

§. VIII. Solvuntur argumenta ex absurdis & inconvenientibus,

[urn:nbn:de:hbz:466:1-77232](#)

DE SCIENTIA FUTVRORVM CONTINGENTIVM. 269

cognitio quam Angelus habet de se, sit necessaria, & mensuretur ævo; cognitio tamen quam habet de rebus contingentibus, libera est, & non mensuratur ævo, sed tempore angelico, quod, ut docent Theologi in Tractatu de Angelis, est mensura actionum liberarum Angelii.

249. Ad confirmationem nego etiam Consequentiā, & paritatem, ob duplēm rationē discriminis. Prima est, quia infinitū continere debet omnēm pēfēctionēm possiblēm, pertinēntē ad propriam linēam, non vērō illam quā pertinet ad alias linēas: unde cūm immēnitās sit virtus repletiva loci, debet solum replere & continere omnēm locum, & omnes diffēntias ejus, scilicet sursum, deorsum, propinquum, remōtum, & similes, quā continentur intra linēam immēnitatis. Cūm ergo futurū & prēteritū, sint extra ejus linēam, illa, quāvis infinita, non debet continere loca prēterita, aut futura; sed tantūm p̄fēntia, & existēntia. Aēternitas autem, cūm sit duratio infinita, ratione sūt infinitatis continere debet omnes diffēntias pertinēntes ad linēam durationis: unde cūm intra tamē linēam sit non solum p̄fēntia, sed etiam prēteritū, & futurū; debet complecti, & in sinu suo vastissimo continere, non solum tempus p̄fēntis, sed etiam prēteritū, & futurū; nec expeclare debet, ut res actū sint & existant, ad hoc ut illas continet, & mensuret: illa enim, ut dicit Bernardus, suprā relatus, *Futura non expēctat, prēterita non recogitat, p̄fēntia non experitur.*

Secunda ratio disparitatis est, quia per immēnitātē loca non sunt in Deo, sed Deus in locis: è contra vērō p̄ aēternitātē, Deus non est in rebus temporalibus; sed potius res omnes temporales, & successivae sunt in illo: unde cūm res contenta debeat esse in continentē, per modum illius, Deus ratione sūt immēnitatis, non continetur nisi in locis p̄fēntibus, & existēntibus: è contra vērō ratione sūt aēternitatis, in se continent omnia tempora, non solum p̄fēntia, sed etiam prēterita, & futura; & omnia quā in illis sunt, vel erunt, aut fuerunt.

§. VIII.

Solvuntur argumenta ex absurdis & inconvenientibus.

250. **A** Liud Adversariorū argumentū sumītur ex tribus absurdis & inconvenientibus, quā ex nostra sententia sequi contendunt. In primis dicunt ex illa sequi Antichristū simul esse, & non esse in aēternitātē: Sed hoc implicat contradictionem: Ergo &c. Probatur sequela: Antichristus, secundūm nostra principia, existit realiter in aēternitātē; quatenus illa, ratione sūt infinitatis, & indivisibilitatis, ambit & continent in unico nunc indivisibili, differentiam illam temporis futuri, in qua Antichristus aliquando existet: Sed ex hoc etiam sequitur, quod idem Antichristus non sit in aēternitātē; cūm similiter aēternitas, ratione ejusdem infinitatis, contineat differentiam temporis p̄fēntis, in quo Antichristus nondum est. Ergo juxta nostra principia, Antichristus simul est, & non est in aēternitātē.

251. Secundō sequitur, Adamū & Antichristū, creationē mundi & ultimum judicium, inter se mutuo coexistere. Sicut enim quā sunt eadem uni tertio, sunt eadem inter se; ita & quā sunt

A p̄fēntia, & coexistēntia uni tertio, debent esse p̄fēntia & coexistēntia inter se: At in nostra sententia, Adam, & Antichristus, creatio mundi, & ultimum judicium, sunt p̄fēntia & coexistēntia uni tertio, scilicet aēternitati: Ergo & inter se.

Tertio ex nostra sententia sequitur dari multitudinem infinitam, p̄fēntem in aēternitate: omnes enim cogitationes, & actus amoris, quos Angelī & Beati eliciti sunt per totam aēternitatem, sunt infiniti, ut constat: Ergo si omnes illae cogitationes, & actus amoris, sunt actū p̄fēntes, & existēntes in aēternitate, sequitur dari in illa multitudinem infinitam.

B Respondeo negando sequi tria illa absurdā, & inconvenientia ex nostra sententia. Ad primum, in primis dici potest, propositiones illas, Antichristus est, & non est in aēternitate, non esse propriè & formaliter contradictiones: quia contradictione, ut docent Philosophi, est affirmatio & negatio ejusdem de eodem, secundūm idem formaliter: ille vērō propositiones non verificantur de aēternitate, secundūm idem formaliter, sed solum ratione diversarū partium virtualium, quas continent, & per habitudinem, ac correspondunt ad diversas partes nostri temporis. Hęc enim propositio, *Antichristus est in aēternitate*, verificantur de aēternitate, secundūm idem formaliter, concipiatur habere unam partem virtualem, correspondentem illi differentia temporis futuri, in qua Antichristus aliquando existet. Ista vērō, *Antichristus non est in aēternitate*, verificantur similiter de illa, quatenus continent aliam partem virtualem, correspondentem tempori p̄fēnti, in quo Antichristus nondum est. Sicut ergo in durationibus creatis possunt plura p̄dēcata contradictiones, uni & eidem competere, ratione diversarū partium temporis: nam de Petro v. g. verificari potest, quod sit sedens, & non sedens, doctus, & indoctus, secundūm diversa tempora; ita etiam ratione diversatum partium virtualium aēternitatis, possunt plura p̄dēcata contradictiones, de uno & eodem verificari: quod enim p̄fēst realis distinctione in tempore, facit virtualis in aēternitate: ut constat etiam in divinis attributis, de quibus, ratione ejusdem virtualis distinctionis, verificari possunt p̄dēcata contradictiones: Deus enim, in quantum justus, punit, in quantum misericors, parcit. Pater communicat Filio essentiam, non tamen paternitatem, quā incommunicabilis est: quāvis in Deo iustitia & misericordia, & in Patre essentia & paternitas, realiter identificentur, & virtualiter tantum distinguantur.

Secundō responderi potest, quod si illae propositiones sumuntur ut propriè, & formaliter contradictiones, negativa est absolute falsa, quia negotio (ut dicunt Dialectici) est malignantis naturae, & destruit totum quod invenit post se. Unde hac propositio, *Antichristus non est in aēternitate*, significat quod Antichristus nullo modo est p̄fēns & existens in illa, quod falsum esse constat ex dictis: in ea enim est p̄fēns, & existens, secundūm quod se extendit ad differentiam illam temporis futuri, in qua Antichristus aliquando existet.

Ad secundūm inconveniens, negandum est Antecedens, quod scilicet Adam & Antichristus, mutuo inter se coexistant. Ad probationem in contrarium, dicendum est, quod sicut ea quā sunt eadem uni tertio adæquatē, sunt eadem inter se,

L 1 iij

Tom. I.

non tamen illa quæ sunt eadem uni tertio inadæquatè; ut constat in personis divinis, quæ licet sint inadæquatè idem in essentia divina, non tamen sunt idem inter se ita etiam illa quæ coexistunt & sunt præsentia uni tertio adæquatè & totaliter, coexistunt etiam inter se; non tamen illa quæ coexistunt uni tertio inadæquatè solum, & non totaliter: Adam autem, & Antichristus, ac res omnes temporales, & successiva, non coexistunt, nec sunt præsentes aternitati totaliter & adæquatè, & secundum totam extensionem virtualē quam includit; sed inadæquatè solum, & secundum aliquam tantum ejus virtualitatem. Quod ut magis percipiat.

256.

Observandum est, quod sicut immensitati divinæ, aliquid realiter præsens & immediatum, duobus modis dici potest: Primo toti adæquatè & totaliter, ita ut sit ubicumque est Deus, & cui Deus est præsens, illi omni sit etiam præsens; quomodo solum tres Personæ Divinæ Trinitatis sunt fibi invicem præsentes. Secundo toti quidem, sed non totaliter: Toti inquam (quia cum Dei immensitas sit indivisibilis, nullaque partes habeat, quod ei præsens, & immediatum est, non nisi toti præsens esse potest) sed non totaliter, eo quod Deus alijs rebus præsens & immediatus sit, quibus hæc præsens non est; quomodo quilibet creatura toti immensitati Dei præsens est. Ita similiter toti aternitati dupliciter aliquid potest coexistere, & esse præsens. Primo adæquatè & totaliter, & secundum omnes partes virtuale, quas in sinu suo vastissimo & infinito continet; & hoc modo nulla creatura coexistit aternitati: secundo toti quidem aternitati (cum illa indivisibilis sit, nullaque partes priores aut posteriores in se continent, saltem formaliter) sed non totaliter & adæquatè, quia aternitas alijs rebus prioribus & posterioribus, præsens est & coexistens, quibus res illa non coexistit. Atque hoc tantum modo, Adam & Antichristus realiter sunt præsentes aternitati, & illi coexistentes: quia non coexistunt illi, quatenus æquivaler omnibus differentiis temporis, & quatenus in se continent omnes illos sinus, & partes virtuale, de quibus antea diximus; sed solum illi coexistunt, inquantum ea continent unam partem virtuale, correspondente illi differentiæ temporis præteriti, in qua Adamus exitit, & alteram correspondentem tempori futuro, in quo Antichristus existeret: unde licet Adamus & Antichristus, coexistent toti aternitati, non tamen illi coexistunt totaliter, & adæquatè. Sicut licet Pater & Filius communicaent totam essentiam Spiritui Sancto, non tamen totaliter, & omnibus modis, quibus communicabilis est; non enim communicant eam per generationem, quomodo communicabilis est, & de facto communicatur Filio ab aeterno.

257.

Ad ultimum responderetur nullum esse inconveniens admittere infinitam multitudinem cogitationum, simul præsentem & existentem in mensura aternitatis: quia sicut illæ cogitationes, & actus amoris, per hoc quod sint præsentes & existentes in aternitate, non dicuntur esse simpliciter & absolutè, sed secundum quid, & cum addito, scilicet in aternitate: ita etiam non dicuntur infinita actus & simpliciter, sed tantum secundum quid, & in potentia. Cujus ratio est, quia illa simulta & præsentia quam habent in mensura aternitatis, non impedit quin habeant in propriis durationibus successionem, & nusquam possint reperiri simul: non enim alia ratio-

A ne dicuntur esse actu simul in aternitate, nisi quia aternitas, ratione sua infinitatis & indivisibilitatis, sese virtualiter coextendit ad totam eorum successivam latitudinem. Cum ergo aternitas non tollat successionem hujusmodi cogitationum, non obstat etiam quominus illæ sint in potentia solum & sincategorematicè infinitæ.

§. IX.

Solvitur aliud argumentum ex alio absurdō petitur.

Obijecies ultimò: Si futura contingentia essent realiter & physicè aternitati præsentia, & ut talia à Deo cognoscerentur, nihil à divino intellectu cognosceretur ut futurum, nec unum tanquam prius aliò; nam in aternitate nihil est futurum, nec unum aliò prius: Sed hoc videtur absurdum: Ergo & illud.

Confirmatur: Si duo corpora cognoscantur ut perfectè penetrata inter se, unum non cognoscetur prius aliò: Sed omnia quæ sunt divina aternitati præsentia, perfectè penetrantur, cum nihil aternitatis sit cui non sint præsentia: Ergo eorum quæ sunt aternitati præsentia, unum aliò prius cognosci nequit.

C Ad objectionem respondeo distinguendo sequelam Majoris: Nihil à divino intellectu cognosceretur ut futurum, respectu aternitatis, concedo sequelam. Respectu propriæ durationis, nego sequelam; & idem dicendum est de prioritate unius ad aliud.

D Ad confirmationem dico disparitatem esse inter res successivas & temporales, ut præsentes aternitati, & duo corpora se invicem penetrantur; nam duo corpora inter se perfectè penetrata, occupant eundem locum, tam formaliter, quam virtualiter, subindeque nullæ prioritatem gaudere possunt, nec diversitate locali: aternitas autem, cum sit multiplex virtualiter (ut pote eminenter continens plures durationes creatas) est illis coexistens, secundum diversas virtualitates: unde illa quæ aternitatem secundum esse formale penetrant, non penetrant illam, secundum omnem ejus virtualitatem; ideoque possunt diversi durationibus ab aternitate contentis mensurari, & respectivè ad illas, præsentia, præterita, & futura; vel priora, & posteriora dici.

ARTICVLVS VIII.

An præsentia realis & physica futurorum contingentium in aternitate, conducat ad perfectionem scientiae quam Deus habet de illis; & requiratur ad hoc ut illa sit invariabilis, & intuitiva?

In hoc articulo exponemus quartum & præcipuum fundamentum, quod Thomista ducuntur, ad realem & physicam futurorum contingentium in aternitate præsentiam, contra Recentiores propugnandam; illud enim petitur ex invariabilitate & intuitione divinae scientie, quæ sublatâ tali præsentia stare nequeunt, ut sequentibus conclusionibus ostendemus.